



老子是正

全


口仁13
1645



門仁
號 1645
卷



序



平安伊藤長堅撰

蘭嶠子曰、去冊、古者實無其人、蓋莊周所創、寓名、將立
已一家言、為之尸、為之主、自為祝嘏、以告神語者也矣、亦
猶項梁立楚懷王孫心、以收人心者、夫以何知之耶、昔者孔
子列序古之聖賢、觀論語而當見焉、堯舜禹湯文武周
三公、夷齊不啻、管仲曰仁也、曰如其仁與、晏平仲曰善與人交、曰功

卷一
一
公

用之臣也。國僑展禽俱在聞堯，一為有君子之道，曰惠人一與少連並稱，為不辱其身，不降其志，遂至臧文仲為竊位者，與史與以直稱，遽瑗曰君子，紜至夫荷簣過門，植杖而芸，楚狂長沮桀溺執手而繚，缺皆舉誦之，甚哉夫子之欽慕古昔聖賢君子，不遺一時之聞人，畸士夫如是也。若實有耆聃云者，不列諸隱居放言內，必與且杖叩趾同科祛之，而無一言之謂老聃，無一語之涉李耳，此實無其人之證也。迨夫孟子之距邪說暴行，每唯舉楊朱、墨翟以為無父无君是

禽默也。揚墨之道不息，孔子之道不闡，告子與於陵仲子俱辨其非為神農之言，不大跡，六痛拒之，而无一辭之議老聃，无一言之非李耳，此亦實無其人之證也。荀子所非者，十二子老聃不與焉，此亦實無其人之證也。而其天論云：慎子有見於後，無見於前，老子有見於前，無見於信，老子蓋田子之誤，爾非十二子連曰慎到，田駢，此亦叙於慎子之後，宋子之前，故知其老田字相誤也。史遷輒信漆園吏之寓言，和膏昔倡黃帝老子為立其傳，為李名耳，為周柱下史，為孔子

問禮夫五千言之書為出關時授尹喜云者蓋皆妄云爾予獨何
人斯非敢好奇誇異妄為此說為然則今所傳老子之書何人所成
耶蓋戰國之末接秦聖猷否塞故人或龍襲莊子之意并剽竊
其語以作老列二書而措諸後也為去子者換骨奪胎青出之藍
而青於藍然章句檢束平鋪叙讀之易通不類論語以前之書
譏列子者生吞活剥優孟之衣冠井孫傲形肖神之莊子外篇亦
後人為故列子與外篇古人或有遺議老子特稱經人不知其為偽

誤吁亦何哉予今試舉其書中一條而道之曰將欲歛之必固張之
將弱之必固強之將廢之必固興之將欲奪之必固與之柔勝剛
弱勝強國之利器不可以示人此子產伯玉輩尚所不勝口說蘓秦
張儀之徒所以取卿相之術蓋不過於此數語耳與曰無為自化自
相反焉且連稱仁義論語所無始見於孟子及大傳而此書屢曰
道德仁義將軍之稱六古所無而曰偏將軍上將軍又曰立天子
置三公及以正治國以奇用兵夫言無三公之名曰三事也奇正固

非春秋間之語、而孫吳常言爾、且顧其為書、比諸晉文侯之命、與秦穆公誓師、及論語、其文明暢、一見犁然、開其淵懿宏遠、我故知非春秋間之作也矣、不唯孟荀之書耳、莊子諸篇、亦不如斯體統、井然不紊焉、與夫三畧、素書者相類、故曰戰國、若秦人、據莊子以裁成之、名以老子也耶、若夫不然、則或擬為楊朱子之書、以老朱篆文相似、後世致誤歟、通篇為我、摩頂放腫、利天下而不為之意、全無君之書也、孟子能言詎之、自以為聖人之徒、紹堯舜禹湯文武

周公孔子之功者、免夫秦火、再煽動後世焉乎、迨夫漢初、曹參載其清淨、文帝崇無為、以致又安、撥亂其蘊、非尚老聃之教故也、以其長生久視之文崇之者、殆為少君、五利將軍所誤之類、惑之小故、害亦微也、典午之不競、職此書所致、兆自曹魏、非一旦一夕之故爾、後遂為靈運所據、援此書之意、以譯貝多所記之書、則其毒甚苦矣、我唐之祖宗、六復信其長生之語、信姓之同、遂以為其祖耳、其所誤微也、唯咭糠而未及米焉、宋人陽擠陰陷、雖為禪家所


誤、本原實出於此、其誣惑後世、甚矣哉、張生年弱冠、頃者新為斯書解、昧予云、此一編之兵書、遠在孫吳韜畧之上矣、此亦一見也、夫謂佳兵不祥之器、以道佐人主者、不以兵強天下、師之所處、荆棘生焉、大軍之後、必有凶年、當知非兵書矣、禍莫大於輕敵之言、則近於其為兵家者流之言哉、生豈有見於此乎、大凡言不由衷、必支離矣、矯者習者、後叵稽焉、此書難乎免斯二者、且夫曰兵者、六非古也、論語曰、加之以師旅、衛靈公問陣於孔子、曰、軍旅

之事、未嘗學之、曰、動干戈於邦內、曰、可以即戎、曰、可以使治其賦、元一之曰、兵者、曰、足食、足兵、蓋指五兵也、變師旅、而曰、甲兵、從戰國矣、孫子書云、道、天地將法、此書六云、道、大、天、地、大、王、六、大、域、中、有、四、大、而、王、居、其、一、焉、唯、變、將、曰、王、耳、曰、人、法、地、地、法、天、天、法、道、道、法、自然、與、夫、孫、子、所、指、有、別、然、不、免、夫、戰、國、策、士、之、辭、也、矣、八、十、二、章、意、味、不、甚、深、長、與、莊、子、負、數、筭、數、千、歲、之、久、以、為、莊、子、所、祖、述、而、無、一、人、之、謂、出、自、莊、子、者、吁、六、何、耶、繫、詞、云、作、易、者、其、有、憂

患乎於文王與紂之事歟故其辭危矣莊周六震衰世以為保
 身遠害之言故其書與易同貫而其失也蕩似宓子之愚而詐
 而已矣與易俱退一步之法然猶齊桓晉文易正而不謫老子譎而
 不正也及張生被索序于其解書予素蘊如此且以誤子雲於
 後世云又自顧序引跋尾叙次其書之大意以便人之觀其書今詆
 議之辭豈當弁諸簡端耶生夫蔽諸筮筮時出視之後日必較手節
 三嘆曰吁此老頭種心乃長發千歲所不道是父而有是子我付

吾解於祝融氏哉火熄煙斷而曰有生於無復以為得老子之骨髓
 也耶若不然則為過而不憚改灰燼且尚不收年此二者予不知敢曰
 厥出於孰也夫學問美待十年而後一變每變必進生夫以斯文
 卜之哉昔者竊聞之自生民以來未有孔子也典籍興以還無出於
 論語之右大哉孔子之道至哉論語之書執子之手與子俱由夫孔
 子之道誦是魯論而周旋以沒齒也哉傳曰唯君子為能貴其所
 貴此之謂也延享四年歲次丁卯秋九月平安伊藤長堅序

此夫虛名所以喻道而虛名之與道也
然名心之玄同矣澹然其極而與天俱也
之之大意其形而之矣此即書



老子是正

日東 張 靜 撰

道可道非常道

名而非也奚常哉

至道無道道而非也至名無名

無名天地之始有名萬物之

母天地之始無有無名有一而未形萬物資始

資生而後始有名焉以爲萬物之母母者含

靜曰玄一也至妙者

生萬物之謂也故常無欲以觀其妙

無之爲妙千變萬化不可得而窮也

此十二字一篇之綱

要莊子道

遙遊蓋出

於此

老子是正

大下

美

文

爲

爾雅云玄始也莊子曰太始與此同蓋非玄黑之義而幽渺黑暗之義自在其中矣四十章曰反者道之動

常有欲以觀其徼徼歸也凡有者復歸於無也此兩者同出而異名同謂之玄玄之又玄衆妙之門有無異名同出

二章

天下皆知美之為美斯惡已皆知善之為善斯不善已美不可必善不可必夫極而不變者未之有也故有無相生難易相成長短相形高下相傾音聲相和前後相

堯舜之治是也

隨道之所運反覆而無極此是以聖人處無為

之事行不言之教夫萬物者自然之所能非為之所能也故聖人任自然而

不為也各足稱事而不問所

自正也非言而教之萬物作焉而不辭作者何

也生而不有任其自為而不恃任其自功成而

三章

弗居任其自成耳夫唯弗居是以不去忘而居之故能長久

難得之貨使民不為盜去其所欲則各其至當而自足也民奚為盜哉
 不見可欲使心不亂不見可欲則不見可惡是
 以聖人之治虛其心實其腹弱其志強其骨常
 使民無知無欲使夫知者不敢為也心知之主志欲之母
 虛之弱之則自無知無欲腹實骨強適性乃足
 而全真矣知與不知皆自若也故天下無為也
 天德而為無為則無不治自然之理矣

四章

冲虛也

道冲而用之

莫見其狀

或不盈

玄之又玄

淵乎似萬物之

宗

衆妙之門是以似萬物之宗主

挫其銳解其紛和其光同其

象形象又肖似也

塵

故無所不至

湛兮似若存

無所無也

吾不知誰之子象

帝之先

帝者天帝也所謂先天地生者豈知誰之子耶

五章

天地不仁以萬物為芻狗

天地大夫莫之為而萬物生成豈仁耶

芻狗結草為狗祭者所用已則棄之

德而已矣為芻狗者常無親之謂也

聖人不仁以百姓為芻狗聖人

老子是正

三

玄玄齊藏

亦大非為而治之天下自然天地之間其猶橐籥乎虛而不屈動而愈出王弼曰橐籥之中空
洞不窮其出聲亦不窮天地之間其猶此乎虛而不屈動常生成多言數窮非失
理之言則何恃不如守中守中任理之必然也

六章

谷虛也玄始也牝母老子書牝讀為妣

谷神不死是謂玄牝也谷得一以盈所以神不死也以此譬天地之體故曰玄牝之門是謂天地根夫玄牝者天始之地承能生焉故天

綿二密也又遠也又綿二不絕貌

地不為萬物而萬物自生門玄牝之所由也原其所由則自然也自然者天地之本根也綿若存無不待有而無用之不勤常自然而然耳非勤用之

七章

天長地久天地所以能長且久者以其不自生所謂自然故能長生不知其始不知其終是以聖人後其身而身先外其身而身存外猶遺也非以其無私耶故能成其私言苟無為於身而身處天下之一也

八章

上善若水，水善利萬物而不爭，與物俱也，處衆人之

所惡，夫唯下流而不盈也，故幾於道。居善地，處天下之卑

不心善淵，心直玄同，故能幽深，與善仁，無所不利，而無以爲，言善信，

不言之言，豈不信耶，政善治，因任而已，故能至治，事善能，無所不成，動善

時，時動則動，時止則止，夫唯不爭，至，故無尤。

九章

持而盈之，不如其已，盈則虧，揣而銳之，不可長

保，銳則摧，奚得揣，金玉滿堂，莫之能守，滿則缺，奚得守，富貴而

驕，自遺其咎，以身踐家，功成名遂，身退，天之道，運而無所

積，天之道也，故聖人不積。

十章

載營魄抱一，能無離乎，載始也，營魂也，載營魄，謂人始生在胎也，在胎

未見其形，奚爲哉，獨天眞而已，而抱所天地根

之一，以能無離之，夫唯載營魄，則天下自歸之。

李母懷胎，八十一，年而生，言老子，載營魄，抱一，能無離乎，夫人之生也，柔弱其死也。

空強左弱 右強則夫 弱則空強 故靜曰老 子守無名 之朴至八 十一歲而 死也出關 之言亦此 類乎天下 信其言以 為玄妙老 子長八尺 八寸然則 李母長可 五丈八尺

其猶萬物之由玄牝 乎誠全而歸之也 專氣致柔能嬰兒乎 常和 矣 滌除玄覽能無疵乎 玄覽猶始見 也無所疵病 愛民治國 能無為乎 各以其無為應之 天門開闔能無雌 乎 天門開闔言天下治亂之際也雌母也既為 天下母而能無其母乎 功成事遂百姓皆曰 我自 明白四達能無知乎 任之天下天下皆得 然也 無所飾矣 生之畜之 夫萬物之生成道生之德 畜之故順物自然而無所 牽滯也唯生畜之而 生而不有為而不恃長而 已矣未始有所害也

不宰任其自 是謂玄德 之謂玄始之 德下做此

十一章

三十輻共一轂當其無有車之用 輪之中為轂 轂能統三十

輻而轂之正中無之 埏埴以為器當其無有器 故入軸以任重致遠

之用 器之中無 鑿戶牖以為室當其無有室之 故能受物

用 室之中無故可起坐 故有之以為利無之以 從戶出入從牖取明

為用 有無備而全用也物莫不皆然 矣而無者位上有者位下也

十二章

五色令人目盲、五音令人耳聾、五味令人口爽、馳騁田獵令人心發狂、難得之貨令人行妨。王曰：爽，差失也。彼亂其神而失性，故此五者皆生之害也。是以聖人爲腹不爲目，故去彼取此。王曰：爲腹者以物養己，爲目者以物役己，故聖人不爲目。

十三章

寵辱若驚，貴大患若身。何謂寵辱若驚？寵爲下，

貴大貴爵大祿也

得之若驚，失之若驚，是謂寵辱若驚。

夫寵者在於彼，則失

於此，實在彼而不在我也。得失若驚，不亦互乎？故寵爲下。何謂貴大患若身？

吾所以有大患者，爲吾有身；及吾無身，吾有何

患？貴大之有患，若天之生我身也。况有身者乎？夫及無身，則無所不無，故能無患。故貴

以身爲天下者，則可寄於天下；愛以身爲天下

者，乃可以託於天下。

重貴愛身於爲天下者，常無身矣。遊心於淡，合氣於漠，與物自然，而無容私焉。故可以寄託於天下也。

郭子玄曰：若夫輕身以赴利，棄我而殉物，則身且不

能安其如天下何。

十四章

字書曰夷希皆無也

視之不見名曰夷聽之不聞名曰希搏之不得名曰微此三者不可致詰故混而為一莊子曰一之所起有一而未形郭註曰一者有之初至妙者也至妙故未有物理之形耳夫一之所起起於至一非起於無也夫未形而至一者奚應以此三者致詰哉固不可致詰不得已而詰則以其所起與故混而為一一而無所其上不皦其下不昧繩繩不可名皦明也繩繩運動不絕意又無涯際貌道和光同塵冲而用之

故不可復歸於無物是謂無狀之狀無象之象唯無是謂惚恍惚恍不可有耳是謂惚恍得而定也迎之不見其首隨之不見其後所謂始終相反乎無端而莫知其所窮執古之道以御今之有天道無今古矣致之一也人道亦然乎執古之道以御今之有則可以反古始無為能知古始是謂道紀紀紀極也能知古始曰紀極之道也

十五章

古之善為士者微妙玄通深不可識夫唯不可

堯臨湯武是也。爾雅云豫厭也猶謀也。識體化合變通玄極效配天地而已豈識其真哉。夫強為之容豫兮若

冬涉川猶兮若畏四鄰為之容者始制為官長也世以敝故求我也雖

然乎古之善為士者始制為官長戰戰栗栗厭兮若冬涉川謀兮若畏四鄰故功自彼成似閔

然無儼兮其若客不敢為主渙兮若冰之將釋至和敦

兮其若樸真性曠兮其若谷玄北渾兮其若濁玄同孰

能濁以止靜之徐清孰能安以久動之徐生因

任其自清自生也保此道者不欲盈夫唯不盈而

豈跋之所及哉

抱玄德以任天下也故敝不新成因其自敝而任其自成耳雖敝不新成之故所謂功蓋天下而似不自己

十六章

致虛極守靜篤虛極靜篤天地之真也故致虛極守靜篤此與天地為體者也

萬物並作吾以觀其復夫物芸芸各復歸於其

根歸根曰靜靜曰復命復命曰常物各反復其所始則虛靜

也虛靜復命於天也復命此萬物之常即道之常也知常曰明知常者知天之所為

知物之所為者，也奚所不明哉，不知常，妄作凶。逆天，知常容。王曰
無所不容乃公，無所不包通，公大則乃公乃王，天下自歸
王乃天，天下自歸則乃天乃道，無為而成之則
道乃久，夫唯自然則乃沒身不死，至順而已，何殆之有

十七章

太上不知有之，太上之治無為而任於其自然
自治也則恭己而正南，則不治而自治也，自治者物之
面而已矣，下不知有之，其次親之，譽之，仁義立
而天下

定矣，下親之，其次畏之，法度正，威武立，而使其
之譽之，其次侮之，勢以勝之而強治之故，下，故信不足焉，
不得已而從焉，故信不足焉，此自然之符，故，猶兮其貴言，功成事
己信則物自信，遂，百姓皆曰我自然，無為而成，自然以遂，夫唯
恃所以曰我自自然，所謂大道之至矣，而老，子之旨，則不欲敢言，故云猶兮其貴言。

十八章

大道廢，有仁義，大道自然，仁義人為，失自，智慧
然之正，更以仁義正之也

出有大偽無為自化清靜自正奚所用智慧哉故智慧之所出由失其常然也失其常然而用之六親不和有孝慈國家昏亂有忠無不大偽也信此二者喻猶舟覆見善游馬奔見良御故不如魚相忘於江湖人相忘於道術也

十九章

莊子曰名者實之賓也故絕棄者絕棄其實也將欲絕之必固全之將欲棄之必固朴而已

絕聖棄智民利百倍去其所資則各自得而足絕仁棄義民復孝慈去其所規則各相忘而已絕巧棄利盜賊無有去其所實則各純朴而已此三者以為文不足言非所以明天下也故令有

取之樸奇也

所屬

絕棄三者而後屬之

見素抱樸少私寡欲

故能成無為也

二十章

一以貫之故無憂

絕學無憂

絕學則率性自然全其真而已何憂之有

唯之與阿相去

幾何善之與惡相去何若人之所畏

性相近也反其性者

皆畏之也

不可不畏荒兮其未央哉

異於眾人熙熙

如享大牢如春登臺

衆人心競榮觀而和樂耶其猶此也

我獨泊

兮其未央如嬰兒之未孩

莫見其端倪也

乘乘兮若無

所歸言其無極衆人皆有餘無所不有而我獨若遺無所

我愚人之心哉沌沌兮唯無知也俗人昭昭我獨若

昏俗人察察我獨悶悶昭昭察察過詳貌若昏悶言其玄同忽

兮其若海漂兮若無所止處太冲之極故衆人皆有以

以為我獨頑且鄙我獨異於人而貴食母抱一人

將與天成器長則不自求不自求頑且鄙乎夫與天俱則無為自然直赤子而已故曰貴食母

二十一章

悶悶字之誤也悶閉也深也幽也

孔德之容惟道是從孔通也德既與天地通功亦與天地成故云孔德之

容惟道是從也道之為物惟恍惟惚惚兮恍兮其中有

象無象之象恍兮惚兮其中有物至一無形窈兮冥兮其

中有精萬物能生成焉其精甚真其中有信道之所能今古無惑

自古及今其名不去一而以閱衆甫衆甫萬物之始以一

之始吾何以知衆甫之然哉以此此一也下做此

二十二章

莊子至道之精窈窵冥冥至道之極昏昏之極

甫始也

曲則全，枉則直，窪則盈，敝則新，少則得，多則惑。

此必然之極，是以聖人抱一為天下式。夫一者

物莫不皆然，一而非聖人之一也。不自見，故明；不自是，故彰。

是以能為天下楷式。不自伐，故有功；不自矜，故長。

言自然而成，夫唯無為之者也。夫唯

不爭，故天下莫能與之爭。古之所謂曲則全者，

豈虛言哉！誠全而歸之。

二十三章

希言猶云
諺言也

希言自然。希，設也。施也。夫設施言自然也。飄風不終朝，驟雨不

終日。所謂希言孰為此者？天地。天地尚不能久，而況

於人乎？故曰物壯則老，謂之不道。故從事於道者，道者同於

道德者，同於德。異異同同，自然之道。故從事於道者，可以長久。失者同

於失。故曰不知常，妄作凶。同於道者，道亦樂得之；同於德

者，德亦樂得之；同於失者，失亦樂得之。信不足

有不信。

四章

二十四章

跂者不立、跨者不行、過極故窮以此、自見者不

明、自是者不彰、自伐者無功、自矜者不長、其於

道也、曰餘食贅行、餘食以養傷身、贅賦體而非

其猶此逆自、物或惡之、故有道者不處也、

二十五章

有物混成、道之為物、先天地生、夫天地由之以

混一徐成、

孫氏五事
之祖

者耶、自古以固存也、寂兮寥兮、獨立而不改、廓然一、周行

而不殆、無所不至適故、可以為天下母、化生、吾

不知其名、唯其大通奚、字之曰道、無物而、強為

之名曰大、皆莫非道、大曰逝、逝曰遠、遠曰反、逝

也、周行無所不至則幽遠不測幽遠、故道大、天

地大、王亦大、各夫莫之為而常自然物亦皆

王聖王、域中有四大、而王居其一焉、道天地之

老子是正

十四

老子是正

爾使夫萬物安靜而能終其天年者特在王而已而物不知有之皆云我自然故字內四大備而至治成則王居人所謂法地地法天天法道其一焉不亦然乎聖王故自然者域中之主

二十六章

重為輕根靜為躁君重則靜輕則躁物皆然矣故重靜者天下之所根而君是以聖人終日行不離輜重正字通云行者之資曰輜重此言聖人無行而所離一也雖有榮觀燕處超然常能抱一故雖有尊榮美

觀亦不相關而意思燕奈何萬乘之主而以身

輕天下輕則失臣輕忽則臣無所稟命躁則失君躁率則失君體

二十七章

善行無轍迹任其自行故無轍迹善言無瑕謫任其自言故無瑕謫

善計不籌策任其自計故不籌策也善閉無關鍵而不可

開自然閉自然結固不可開解善結無繩約而不可解自然開解得其自然而

可以開解是以聖人常善救人故無棄人常善救物

老子是正

十五

藏

故無棄物輔其自然合和是謂聾明使民聾則明明之也

故善人者不善人之師不善人者善人之資資助

也用也不善人師善人而善人亦資不善人而成名不貴其師不愛其資

雖智大迷於其道失故是謂要妙知迷所由出道德之要妙

二十八章

知其雄守其雌不敢先而能為之下為天下谿物自歸之為天

下谿常德不離復歸於嬰兒無為自然常和而已知其白

守其黑苟無知而玄同萬物為天下式物之所法為天下式常

德不忒復歸於無極與道同體知其寵守其辱苟不有而

直忘而已為天下谷能玄牝為天下谷常德乃足復歸

於樸真性而已樸散則為器器聖智也聖人用之則為官

長任天之動而用之而不害故大制不割與物

共反至於大順矣故大制者無所割

二十九章

將欲取天下而為之，吾見其不得已。天下神器，不可為也。非世亂求治之時，則奚能成功。為者敗之，執者失之。逆自然也。故物或行或隨，或响或吹，或強或贏，或載或隳。畧舉此四，明逆順反覆道之自然。其治亂成敗，遇與不遇，亦非人為矣。是以聖人去甚，去奢，去泰。聖人去大甚，奢靡驕泰，而直處中矣，而任於時化耳。

三十章

以道佐人主者，不以兵強天下。其事好還。欲功曰彼

成師之所處，荆棘生焉。大軍之後，必有凶年。凶兵也。器戰逆德，必有其咎。善者果而已，不敢以取強。復歸於其無為。自然，果而勿矜，果而勿伐，果而勿驕。居其功者，不居其功者，不果而不得已。言化而欲作也。果而勿強。弱能勝強，柔能勝剛。物壯則老，是謂不道，不道早已。

三十一章

夫佳兵不祥之器，佳善也。物或惡之，故有道者不

處君子之居則貴左用兵則貴右左弱右強兵者不
祥之器非君子之器不得已而用之恬淡為上
勝而不美故不失人心也而美之者是樂殺人夫樂殺
人者則不可以得志於天下矣吉事尚左凶事
尚右尚禮偏將軍居左上將軍居右言以禮禮處之
殺尚右殺人衆多以悲哀泣之戰勝以禮禮處之

三十二章

道常無名常冥通而無樸雖小唯真天下莫能
臣道天下之所宗侯王若能守萬物將自賓天
地相合以降甘露民莫之令而自均任其自然
無為合德而至治成其天地亦相合以降甘露
也自然而成無為之者也故曰古之王天下者
奚為哉天始制有名有始制為名亦既有夫所
地而已矣亦將知止知止復歸於無名所以不殆譬
既有道之在天下猶川谷之於江海道之在天下
之故古之善為

老子是正

十八

卷之八

王有未始有迹有始制有名同謂之玄通道之
所能以其致一也猶入江海則無分川谷之水

三十三章

知人者智自知者明明者智之無私也勝人者有力自

勝者強強者不從己也無已復道知足者富常足故富強行者有

志不怨天不尤人直順自然而獨行矣不失其所者久居至當之極故能久

死而不亡者壽有形者死則亡無形者死而不亡故無形至壽

三十四章

大道汜兮其可左右大道汜濫無所不適故左右上下周旋無所不至也
萬物恃之以生而不辭功成不名有愛養萬物而不為主常無欲可名於小苟無居其功常無欲也則不為其為
宗主故萬物歸焉而不為主可名於大萬物歸名於小成而不知其為宗主不亦大乎是以聖人終不為大常無欲也故能成其大能為居四大之一也

三十五章

既盡也

執大象天下往

無象之象莫大於道故曰大象也執之而行之於天下則無所

不往而不害與物往也

故無所害

安平泰

唯利而已矣所以安平泰樂

與餌過客止

不知常謂之過客故止之而有失矣

道之出口淡乎

其無味

道常無言則其出口乎出於無言故淡然無味

視之不足見聽

之不足聞用之不可既

玄一故不足見不足聞不可既

三十六章

將欲歛之

歛縮也

必固張之將欲弱之必固強之

將欲廢之必固興之將欲奪之必固與之

此四者道

之所從也是謂微明

在幽冥中而無不成之明數也

柔勝剛弱勝強

魚不可脫於淵國之利器不可以示人

郭象曰魚失淵

則為人禽利器明則為盜資故不可示人也是以古之君者非以明民將以愚之也

三十七章

道常無為而無不為

常自然而然矣

侯王若能守萬物

將自化

故曰一心定而萬物服焉

化而欲作

化而後作而將成也

吾將

鎮之以無名之樸使樸無散則無名也無名之樸猶未忘也亦

將不欲不欲以靜無所不忘故靜天下將自定靜一而定於無為也

三十八章

上德不德是以有德下德不德是以無德上

德無為而無以為下德為之而有以為夫德者道之舍

則無為而無以為自然得也故不德而上德為之而有以為而不失德矣可以為德哉上

仁為之而無以為唯博施耳上義為之而有以為為其

宜而上禮為之而莫之應則攘臂而扔之扔強明之牽引

也禮有常則故為之而莫應則責之失道而後德失德而後仁失

仁而後義失義而後禮言失無為漸移有為夫禮者忠信

之薄而亂之首常束於教而挫性命之情夫責於人人亦非已故禮者忠信之

薄而亂前識者道之莖而愚之始識於未萌而

之莖耳為愚之始何則物之所踐尚而失愛民治國之本是以大丈夫處其

厚不居其薄處其實不居其華故去彼取此

三十九章

谷盈故能虛

昔之得一者、一既詳于上、皆自然之謂天得一以清、地得一以寧、神得一以靈、谷得一以盈、萬物得一以生、侯王得一以為天下正、其致之一也。各自然也天無以清、將恐裂、地無以寧、將恐發、神無以靈、將恐歇、谷無以盈、將恐竭、萬物無以生、將恐滅、侯王無以正、而貴高、將恐蹶。蹶自然則失亦自然故貴以賤

道常無也、故致數車、無是車也、

為本、高以下為基、是以侯王自謂孤寡不穀、此其以賤為本耶、非乎、故致數車、無車、不欲琮珠如玉、落落如石。夫萬致一也、故致數車、復歸於無也、當其無、有車之用、玉石琮珠落落、何道哉、故不欲之

四十章

反者道之動、反覆變化、常運動、而無所積矣弱者道之用、柔弱、故所遇而至適矣、其用不可極天下萬物生於有、有生于無、所謂無名

天地之始有名萬物之母

四十一章

上士聞道勤而行之中士聞道若存若亡下士

聞道大笑之不足以為道故建言者有之

太平也

建猶立也明道若昧任其自明進道若退任其自進夷道若類

類不平也與物夷也上德若谷任其自盈太白若辱不居其白廣德

若不足無所不遺建德若偷偷佻也獨行貌直行自然質真若渝

淪變也與變化俱也大方無隅因其自方大器翹成因其自成大音

希聲出於無形音故無聲大象無形無有故也道隱無名夫唯

道善貸且成貸施也物莫非道矣故道無所不能而無所名

四十二章

道生一一生二二生三三生萬物司馬君實曰道生一自無

而有一生二分陰分陽二生三陰陽交而生和三生萬物和氣合而生物萬物負陰

而抱陽冲氣以為和所以萬物亦自三而生也人之所惡唯

孤寡不教而王侯以為稱

一之而生損之而益之謂按此十五字當

在於或益之而損之下承上起下不然則文義不通

故物或損之而益或

益之而損

自然之道

人之所教

使向吉而避凶

我亦教之強

梁者不得其死

失其自然

吾將以為教父

教父始生教之謂也

夫知天下之凶莫大於強梁則得夫自然而吉歸之

四十三章

天下之至柔馳騁天下之至堅無有入無間

天氣

下之至柔而無有入無間者無力之力莫大於變化萬物所制焉

吾是以知無

為之有益不言之教無為之益天下希及之

四十四章

名與身孰親身與貨孰多

得身而名從得身則物歸何者如身也

得與亡孰病

得者亡之所伏不亦病乎

甚愛必大費多藏必

厚亡

此天之

知足不辱知止不殆可以長久

四十五章

大成若缺其用不敝大成而無形故若缺其用不敝言日新也大盈

若冲其用不窮大盈而無有故若冲其用不窮言衆妙成之也大直若

屈任其自然大巧若拙因其自然大辯若訥未言而辯躁勝寒

靜勝熱清靜爲天下正清靜無所不勝而不害全物之真故爲天下正

四十六章

天下有道卻走馬以糞有道至治矣所用走馬哉走馬亦卻糞而自得

也天下無道戎馬生於郊無道於內失權於外故戎馬生於郊必至

糞治也

文執罪莫大於可欲禍莫大於不知足咎莫大於

欲得故知足之足常足唯自得矣故常足也

四十七章

不出戶知天下不窺牖見天道一以貫之何恃戶牖其出

彌遠其知彌少出彌遠去一彌遠也故知彌少是以聖人不行

而知不見而名不爲而成以一故能爲之

四十八章

為學日益日益所能為道日損日損損之又損以至

於無為無為而無不為矣既與道同體也故取天下常

以無事天下自歸及其有事不足以取天下為者敗之

四十九章

聖人無常心以百姓心為心常因任之於彼善者吾善

之不善者吾亦善之德善善無所不得矣信者吾信之

不信者吾亦信之德信信無所不得矣聖人在天下慤

注著也

慤為天下渾其心慤慤恐懼也百姓皆注其耳

目各真性故聖人皆孩之孩之如愛養孩提之童也則百姓亦如孩

提之慕其父母故上下交無為致至治矣

五十章

出生入死生之徒十有三死之徒十有三人之

生動之死地亦十有三夫何故以其生生之厚

王曰十有三猶云十分有三分取其生道全生之極十分有三耳取死之道全死之極十分亦

攝佐也

有三耳人害其天年以之死地生生之厚十分亦有三者也蓋聞善攝生者

陸行不遇兕虎入軍不避甲兵兕無所投其角

虎無所措其爪兵無所容其刃夫何故以其無

死地常因自然而不益生矣故能無死地

五十一章

道生之德畜之物形之勢成之

萬物之生成道生之德畜之勢

以成之故萬物者形道德者也是以萬物莫不尊道而貴德夫道

德者萬物之所父母故莫不尊道而貴德道之尊德之貴夫莫之命

常自然故道生之德畜之長之育之成之熟之

覆之言道德之生畜亦莫之為而常自然生而不有為而不恃長

而不宰是謂玄德

五十二章

天下有始有至治之始也以為天下母萬物安靜之所由生故曰天下

也母既知其母復知其子言功成而不居既知其子復守

兌通也

其母故無化而欲作沒身不殆天下靜一何殆之有塞其兌閉其

門和光同塵使不知其端倪終身不勤因任耳故無所勤也闕其兌濟

其事言好而自用終身不救失自然故不為所救見小曰明大

於其小明物之性而不耀之守柔曰強物莫與爭故強用其光以為天下母也復歸

其明君子常無遺身殃是謂習常君子常所習也

五十三章

使我介然有知行於大道唯施是畏大道甚夷

朝廷無道是以甚除

而民好徑大道與物夷而無為於其間矣而民立私理而徑於利故畏行夫大道耶

朝甚除甚除曰升降階除之甚繁也韓非子云獄訟繁也田甚蕪倉甚

虛失者同於失也服文綵帶利劍厭飲食財貨有餘是

謂盜夸非道也哉失交歸之而為此四者夸而盜也非道之甚也哉

五十四章

善建者不拔善抱者不脫順天人以自然建抱故能長且久也子

孫以祭祀不輟子孫綿綿祭祀之不輟者以其不自違抱脩之於身

其德乃真脩之於家其德乃餘脩之於鄉其德乃長脩之於國其德乃豐脩之於天下其德乃善一而所脩莫不至矣故以身觀身以家觀家以鄉觀鄉以國觀國以天下觀天下以其所脩觀其所至吾何以知天下之然哉以此

五十五章

含德之厚比於赤子無心無為獨全天真而已毒蟲不螫猛

峻字書曰赤子陰也

獸不據攫鳥不搏此無害心彼亦不害骨弱筋柔而握固任手之自握不由於持物未知牝牡之合而峻作精之至也任峻之自作不營於外終日號而嗷不嗔和之至也郭曰任聲之自出不由於喜怒嗔正字通曰號極嗑乾聲破也知和曰常王曰物以和為常故知和則得常也知常曰明常者唯自然而然而已矣知之曰明益生曰祥之死心使氣曰強失和物壯則老謂之不道不道早已

五十六章

知者不言已自明也言者不知已失無言塞其兌閉其門

挫其銳解其紛和其光同其塵是謂玄同與天地為

體玄同萬物者莫知其極故不可得而親亦不可得而踈不

可得而利亦不可得而害不可得而貴亦不可

得而賤故為天下貴

五十七章

湯武是也

以正治國以奇用兵以無事取天下正者靜也奇者動也

夫正靜萬物而治國者天下之所不能遠矣但一國而已哉天下自歸之則從天之動而用兵也以無事取天下吾何以知其然哉以此

五十八章

諸本皆入諸上章故不可解今分為別也

天下多忌諱而民彌貧民多利器國家滋昏利

也人多技巧奇物滋起法令滋彰盜賊多有此

有為之害皆舍本以治末故以致此也故聖人云我無為而民自

老子是正

三十一

玄玄齋藏

化我好靜而民自正我無事而民自富我無欲而民自樸

天下五十九章

悶恐闕既註于上淳會也卦也

其政悶悶其民淳淳上無為下亦無為故淳淳其政察察其

民缺缺上有為下亦有為故缺缺禍兮福之所倚福兮禍之

所伏孰知其極其無正無極而太極孰知其極取其無與極為體故正

正復為奇善復為妖所謂反者道之動也人之迷其日固

立德之弊比於農夫

久不知其致一也是以聖人方而不割任其自方耳廉而不

斲廉清廉也斲傷也任其自斲耳直而不肆肆與剔同任其自直耳光而

不耀任其自光耳夫物有定極任之而莫不至矣故聖人不攻而使復其真也

六十章

治人事天莫若嗇嗇農夫農人之治田修人之所為事天之時爾夫唯

嗇是謂早服王曰早服常也因任其自然未始助長之故早服常早服謂

之重積德此常德足而亦重積不息者也重積德則無不克無己

無功、無名、奚無不克則莫知其極、無不克、則莫知其極、與無極同、莫知其

極、可以有國、萬物自然歸拱、有國之母、母既詳于上、可以長

久、從天而成、是謂深根固蒂、長生久視之道。

六十一章

治大國若烹小鮮、無為而全、有為而壞、以道蒞天下、其鬼

不神、道者同於道、鬼神豈失其位耶、非其鬼不神、其神不傷人、

鬼神正其位、何以降不祥、非其神不傷人、聖人亦不傷人、純

樸而天下定、亦奚所加刑、夫兩不相傷、故德交歸焉。

六十二章

大國者下流、蘇轍曰、天下之歸大國、猶衆水之趨下流也、天下之交、

天下之牝、天下歸會、牝常以靜勝牡、以靜為下、靜而不求

下而不爭、常靜而下而已、故牡莫能勝、莫能爭、順天之道、而常歸之、故大國以下

小國、則取小國、小國入事、小國以下大國、則取大國、

大國兼畜、故或下以取、或下而取、大下以取小、小下而取大、故下者天

下之勝也。大國不過欲兼畜人，小國不過欲入事人。夫兩者各得其所，欲大者宜為下。小國脩下，自全而已。大國脩下，則天下歸之。故各得其所，欲大者不宜為下，則非失其所欲耳，必受其禍。

天下六十三章

道者萬物之奧，萬物之所安靜也。善人之寶，用之無所不通也。不善人之所保，王弼曰：保以全也。美言可以市，尊行可以加人。言道之利而不害者也。故美言之可以市，尊行之可以加人也。人之不

善何棄之有。己正則物自正。故立天子，置三公，雖有拱

璧以先駟馬，不如坐進此道。退此道則失其位也。古之所

以貴此道者何也？不曰求以得，有罪以免耶？言無不全也。故為天下貴。

無不全也

六十四章

為無為，事無事，味無味。未始有心，任之自然。大小多少，報

怨以德。執左契而不責人，何厝怨之大小多少於其間哉？唯報之以德而已。故天下皆

順之也。圖難於其易，為大於其細。所以全矣。天下難事，必作於易，天下大事，必作於細。是以聖人終不為大，故能成其大。夫輕諾寡信，多易必多難。是以聖人猶難之，故終無難。

六十五章

其安易持，其未兆易謀。

持之無何有之安，謀之未兆之先，故易也。知其

易守其難，無終始之患禍。

其脆易破，其微易散。

王曰：雖失無入有，以其微

真性自然，衆人之所不欲不學也。

慎終也。

慎終如始，則無敗事。是以聖人欲不欲

不貴難得之貨。

不欲而得者，真性也。言常無心於物而任天也。

學不學

脆之故，未足以興大功，故易也。此四者皆說慎終也。

為之於未有。

謂其安未兆也。

治之於未亂。

謂微脆也。

合抱之木，生於毫末。九層之

臺，起于累土。千里之行，始於足下。

故天下之事不可助長而

成。為者敗之，執者失之。聖人無為，故無敗。無執

也。故無失。民之從事，常於幾成而敗之。

幾，盡也。常盡成之，不

慎終也。慎終如始，則無敗事。是以聖人欲不欲，不貴難得之貨。

復衆人之所過王曰不學而能者自然也自然者衆人之所過以輔萬物之自然而不敢爲

六十六章

古之善爲道者非以明民將以愚之明謂有知守仁義也

愚王曰謂無知守真順自然也民之難治以其智多王曰多智巧詐故難

治故以智治國國之賊所謂其政察其民缺不以智治

國國之福所謂其政闕其民淳淳知此兩者亦楷式去彼取此

楷法也式則也

常知楷式是謂玄德玄德淡矣遠矣與物反矣反其真也乃至於大順

六十七章

江海所以能爲百谷王者以其善下之故能爲百谷王是以聖人欲上民必以言下之欲先民必以身後之是以聖人處上而民不重處前而民不害是以天下樂推而不厭以其不爭故天

卷之五 五

下莫能與之爭

六十八章

肖似也
王曰省則
失其所以
為大矣

天下皆為我道大似不肖夫唯大故似不肖若

肖久矣其細也夫天下若為肖之道恒久其細也已矣我有三寶

持而寶之一曰慈二曰儉三曰不敢為天下先

此所以其為大似不肖也慈故能勇無敵於天下矣儉故能廣無失無費

而常備足故能廣也不敢為天下先故能成器長物自歸之乃能

成聖之器為官長也今舍慈且勇王曰且猶取也舍儉且廣舍後

且先死矣天人之所惡也夫慈以戰則勝以守則固天

將救之以慈衛之

六十九章

善為士者不武浩然和平善戰者不怒任時化也善勝敵

者不與不戰以勝亦何與耶善用人者為之下是謂不爭

之德是謂用人之力是謂配天古之極天古曰古始也

一曰天古
蓋指上天
詩云古帝
箕曰天也
孔傳稽古
為稽天皆
同配對也

卷之五 三十六

合也極至也中也

莊子曰聖人之用兵也公國而不失人心故能此諸無也

七十章

用兵有言吾不敢為主而為客不敢進寸而退尺是謂行無行攘無臂扔無敵執無兵言泯然無其迹禍莫大於輕敵輕敵幾器吾寶幾盡也故抗兵相加哀者勝矣慈故哀所以抗兵無不勝

七十一章

吾言甚易知甚易行唯一而已天下莫能知莫能行

為大似言有宗事有君王曰宗萬物之宗也君萬物之主也夫唯

無知天下無知其宗而君也是以不我知知我者希體道之故

則我者貴天下莫貴於道是以聖人被褐懷玉言其質至美物

無以飾之

七十二章

知不知上未始有失不知知病動常失也夫唯病病五於無病

是以不病聖人不病以其病病是以不病

奇者吾得執而殺之孰敢奇既註于上為奇為動也夫違天逆物而動國者吾執而不為天吏亦將違天夫為者敗之豈謂此耶常有司殺者殺天常殺之夫代司殺者殺是謂代大匠斲夫代大匠斲者希有不傷其手矣

七十六章

民之饑以其上食稅之多是以饑民之難治以其上之有為是以難治民之輕死以其求生之

厚是以輕死夫唯無以生為者是賢於貴生無以生為又何為哉所以無天災無物累無人非無鬼責夫貴生者有以生為未足以全生也矣

七十七章

人之生也柔弱其死也堅強萬物草木之生也柔脆其死也枯槁故堅強者死之徒柔弱者生之徒是以兵強則不勝與死為體故必不勝木強則其持合物而強大處下木之本也柔弱處上技條是也故聖人去彼取此

七十八章

天之道其猶張弓乎高者抑之下者舉之有餘者損之不足者補之天之道損有餘而補不足人之道則不然損不足以奉有餘孰能有餘以奉天下唯有道者言神聖不相傷德交歸焉是以聖人爲而不恃功成而不處其不欲見賢邪故能成其賢

七十九章

天下柔弱莫過於水而攻堅強者莫之能勝火能攻堅強莫之能勝水何物以易水哉弱之勝強柔之勝剛天下莫不知莫能行是以聖人云受國之垢是謂社稷主受國之不祥是謂天下王蘇氏曰正言合道而反俗俗以受垢爲辱受不祥爲殃故也自然正言若反

八十章

和大怨必有餘怨未能以和安可以爲善是以聖人

聖人執左契物以右契合之理之所必然人之不善何責之有

執左契而不責人

左契一也聖人執一而不責人天下各以其一合之也已

有德司契

是以無怨

無德司徹

是以有怨徹直列切

天道無親

常與善人

八十一章

小國寡民使有什伯人之器而不用

言以道治國則民率

性自然不用利器亦猶此也

使民重死而不遠徙

王曰使民不用惟身

是寶不貪貨賂故各安其居重死而不遠徙也

雖有舟輿無所乘之雖

有甲兵無所陳之使民復結繩而用之甘其食美其服安其居樂其俗鄰國相望鷄犬之聲相聞民至老死不相往來

八十二章

信言不美

王曰實

美言不信

王曰本

善者不辯

已自

辯者不善

不知辯之非辯亦笑得善

知者不博

王曰極

博者不知

不知其一

聖人不積

與無極同

既以為人已愈

老子是正 四十一 五五

有王曰物所尊也既以與人已愈多王曰物所歸也天之道利

而不害王曰動常生成之也聖人之道為而不爭王曰順天之利

不相傷也老子是正終

陳氏文峯曰老子善議論精極無言不得已而言之言猶無

言也故妙老於世故故高其神奇變化人莫能測其端倪而

大有功於世教乃王者脩齊治平之術故有天下者莫不尊

之為聖經

序

夫惡莠與佞惡利口與鄭聲者以其似而非尤

易惑人也佛老之於我道豈此之類云乎真冰

炭黑白不可相混同焉張某親炙於予序長堅

虛襟矜式則何信柱下之書且有新註之耶張

生弱冠學兵家者流之言謂柱下之書為誦兵

而作蓋觀其治者亂之本因動而發不動則不

老子是正

後序


五五

老子是正
癸也等之語。癸斯說歟。其於柱下之書。督查校
讐。知從前之註解。失作者之意。儘多。故去註脚。
而參究尋繹。于茲有年。不循古人轍跡。而立一
家之說。藁既脫手。剞劂殆訖。頃日被出示。因歷
覽一過。夫用心之勤。渠可謂至而已矣。老聃復
起。則以此解為得乎哉。迨請于序。遂書此。以為
序云。寬延辛未夏。伊藤長準書。



跋

歲下卯予在東京。張生持老子帛書來。被索
序。予遂抒素絹兩題。予者。簡人或閱。生序云。
子未見夫解。解老喻老。二篇耶。此帛書。老
子之說也。予曰。韓書孤憤。已盡內外儲說。亦說乾
十餘萬言。真出予手。而解喻二篇。後世以馬廷之。




歸本於老老之語所擬朱子也他載李初遜言
出之事此之類之一也何足為老子之說耶且
於黃東坡云太史公列孔子世家贊云為至聖至老
子必傳之管晏之次子孫生弊于申韓之曰司徒
不唯次管晏耳只載于孔子之言及今尹彥強之
事所以為之說也近又曰孔子今時又云太史

儋即老子或曰非也老老如生然吾史近者以為
時常稱黃老故有主儒也說變幻之也傳文之
子之者而今茲後東張生見脈之刊本再書之
以還之云寬延辛未六月長堅識



Vertical text in a rectangular frame on the right page, likely bleed-through from the reverse side. The text is faint and difficult to read, but appears to be a list or index of items.



寬延辛未仲夏朔旦

東都書林

千鐘堂

發行

每部有圖章海
內雲顧君子須
認此為記

Faint handwritten text at the bottom left of the page, possibly a date or a signature.

